

SAOPŠTENJE ZA JAVNOST – PROJEKAT

Sarajevo, 19.11.2013.

Publikacija PRAVA LGBT OSOBA U BiH: PRAVOSUĐE

Fondacija Heinrich Böll – Ured za BiH, zajedno s partnerskim organizacijama, Fondacijom CURE i Sarajevskim otvorenim centrom implementira projekt „Coming out! Zagovaranje i zaštita prava LGBT osoba“ koji finansira Evropska unija. U sklopu projekta, tokom aprila i maja 2013. godine sprovedeno je kvalitativno istraživanje u sektoru pravosuđa s ciljem utvrđivanja položaja LGBT osoba u pomenutom sektoru, kao i sticanja dubljeg uvida u stavove aktera/ki u pomenutoj oblasti.

Svi dobijeni rezultati istraživanja predstavljeni su kroz publikaciju [Prava LGBT osoba u BiH: Pravosuđe](#). Publikacija prezentira položaj LGBT osoba u sektoru pravosuđa, zakonsku regulativu, analizu dobijenih rezultata na osnovu razgovora s ispitanicima/ama ministarstava, sudova, tužilaštava, organizacija civilnog društva, kao i LGBT osoba. U publikaciji su navedena ograničenja istraživanja, kao i preporuke za otklanjanje utvrđenih nedostataka i problema.

Istraživanje je pokazalo da pravosuđe ne odgovara u dovoljnoj mjeri na potrebu zaštite prava LGBT osoba, a glavni razlozi za to se mogu identificirati na više razina, od one zakonske do individualne. Krucijalni problemi koji su identificirani se vezuju za jako mali broj postupaka u bh. pravosuđu zbog jako velikog broja prepreka s kojim se suočavaju LGBT osobe u policiji, tužilaštvu i sudu. Uočen je visoki stepen inertnosti u procesuiranju sudskih predmeta kao posljedica slabe implementacije Zakona o zabrani diskriminacije i nedovoljne upoznatosti tužitelja/ica i sudija/kinja s pomenutim zakonom.

Utvrđeno je da ne postoje dovoljno razvijeni mehanizmi zaštite anonimnosti LGBT osoba u sudskim predmetima u kojima su povrijeđena prava LGBT osoba, kao i da su s aspekta zakonske regulacije transrodne osobe nezaštićene.

Istraživači/ce su u publikaciji [Prava LGBT osoba u BiH: Pravosuđe](#) došli do zaključaka da je nužno podići svijest LGBT osoba o prijavljivanju kršenja prava LGBT osoba, dodatno educirati uposlenike/ce u pravosudnim institucijama, kao i sprovesti harmonizaciju zakona na svim nivoima u cilju sistematične zaštite LGBT osoba. U sklopu istoimenog projekta će se u 2014. godini održati edukacija za uposlenike/ce u pravosudnim institucijama.

PDF verziju publikacije možete preuzeti na stranicama Fondacije Heinrich Böll <http://www.ba.boell.org/web/index-746.html>, Sarajevskog otvorenog centra <http://soc.ba/prava-lgbt-osoba-u-bosni-i-hercegovini-pravosuđe/> i Fondacije CURE http://www.fondacijacure.org/files/Pravosudje_knjizni_blok.pdf, a štampanu verziju možete preuzeti u prostorijama Sarajevskog otvorenog centra i Fondacije CURE (Čobanija br.12) ili Fondacije Heinrich Böll (Čekaluša 42).

EU finansira projekat *Coming out! Zagovaranje i zaštita prava LGBT osoba* u iznosu od 180.000 EUR iz sredstava EIDHR 2012.

HEINRICH
BÖLL
STIFTUNG
BOSNA I
HERCEGOVINA



Ovaj projekat provodi
Fondacija Heinrich Böll,
Ured za Bosnu i
Hercegovinu

Čekaluša 42
71 000 Sarajevo, BiH
Tel: 033 260 450
Fax: 033 260 460

Ovaj projekat finansira
Evropska unija.

Delegacija Evropske unije u
Bosni i Hercegovini
Skenderija 3a
71 000 Sarajevo, BiH
Tel: 033 254 700
Fax: 033 666 037

Evropska komisija je izvršno tijelo EU.

„Evropska unija se sastoji od 28 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.